



EVricius Simesufius Belga à teneris annis operam literis dedit, atq; post prima rudimenta in patria percepta, hinc inde in Academijs Philosophiæ incubuit, ac præsertim Erfurdix plurimum profecit. Vnde etiam eo in loco scholâ aperuit, & iuventutem omni genere literarum optimè instituit. Itaq; Erasmus Roterodamus eius industriam cunctis commēdavit, & inter optimos amicos habuit. Postea quoq; Medicorū libros legit, & in ijs adeò profecit, ut Medicinæ Doctor promoueret, atq; uiris doctis connumeraretur. Itaq; rem Medicam plurimum auxit, & sua eruditione cunctis per Germaniam innotuit. Scripsit enim Botanologicon siue Colloquium de varijs herbis, atq; anno 1534 Coloniae edidit.

Postea quoq; Theriaca & Alexipharmaca Nicandri poetæ Latinis uersibus Heroicis eleganter reddidit. pariratione Epigrammata a Græcis translata proposuit, & Bucolica tractauit. Cum hoc modo ingenij sui lucubrationes varias posteritati reliquisset, tandem magna literarum iactura obiit, & honorificè sepultus fuit. Anon.